



Photo CHARROUIN, St-Pol-de-Léon

# Na Zimezit ket d'an Arc'hant

## SON NEVEZ

1

Dirag an oll dud a zo ama  
D'eoc'h me zo o vont da gana  
Eur zon hag a zo ar wirionez  
Great diwar-benn ar vriadelez.

2

Gwechall p'en em garet gant joa  
E vezet lezet da fortuna  
Siouaz ! breman ez euz chenchamant  
E ranker kaout eur mareat arc'hant.

3

Beza zeuz kals, tadou ha mammou,  
Pa vez en ho zi ar goulennou,  
Araok ma roont ho c'honzantamant  
War an daol e rank beza arc'hant.

4

Kalz yaouankizou zo barz ar vro  
Zimezont ket da re blij dezho,  
N'hellont ket ober ho bolontez  
Abalamour n'o deuz ket danvez.

5

Goulskoude peuz klevet lavaret  
N'eo ket madou ra an eurusted,  
Kalz a zimez balamour d'an arc'hant  
Da c'houde n'o deuz nemet tourmant.

6

Na ped dija a zo bet gwelet  
Prout goude ma vezent eureujet  
O vont kuit an eil diouz egile,  
Echu etrezo an amitie.

7

Kalz ne lezont ket ho bugale  
Da zimezi gant ho bolonte  
Goulskoude ho unan poent zo bet  
Ioa kountant braz da veza lezet.

8

Eun den yaouank hag a vez bemdez  
Laborat vit gounit he zervez  
Gant ma vo fur hag en honestiz  
Taloud ra kredabl merc'h eur bourc'hiz.

9

Pa vez an heol laouen ha seder  
E kreiz an deiz e skuilh he domder,  
D'ar pinvidik evel d'ar beorien  
D'an oll dud e ro he sklerijen.

10

En amzer goz gwechall hon tadou,  
Ne reent ket kement a ardou,  
P'o deze tud o klask fortuna  
Ne zellent ket euz ar peadra.

11

Dimezit m'ar deo ho polontez,  
Bezit euruz epad ar vuez.  
Doue skuilho varnoc'h sklerijen  
A kit d'ober tan gant ho raden.

12

Sellit ket euz tenzoriou ar bed,  
Rak gantho kalz a zo bet kollet ;  
Atao peuz klevet ar garantez  
Zo kaeroc'h eget aour ha perlez.

13

Tad ha mamm lezit ho pugale  
Ma plijont mad an eil d'egile  
Da zimezi, na p'o dezo c'hoant,  
Ha ne zellit ket ouz an arc'hant.

FRANCIS MOAL.

(Reproduction interdite)